

AR VOTADEK

00

Disul e ma ar votadek,
 Petra refomp-ni mignonet?
 Dirazomp er veac'h-ma zo tri.
 Penaos e c'lemp-ni voti?
 Tri, a yugale ann noblans,
 A zo en dro-ma, pebeus chans
 Evit Bretonet ar vro-ma.
 P'hini 'n tri-ze eo ar gwella?
 An duc DE FELTR, CHARLES DE GOYON,
 A zo evit ann Napoleon;
 Ann Amiral DE KEREGU,
 Gant Herri pemp zo a du;
 FOUCHER DE CAREIL, préfet coz,
 Henez zo wit difen hon c'haoz.
 War c'hema 'ta elemp voti,
 Pa eo ar gwella euz ann tri.

Voti, eme darn, ne servij ket;
 Eo, kenvroiz ker, mignonet,
 Mez voti ha voti a zo,
 Hag 'vit en ober clask golo;
 Anaout voar biou eo e voter,
 En kement-se man ann asfer,
 Rag war darn e c'halemp voti
 A rofe deomp eun troatat fri.

E ma bepred beo n'hor c'halon
 Ar sonj euz a Napoleon,
 Euz pehini 'n *Impalaerdet*
 Oa 'mezan ar peoc'h assuret.
 Dezan neuze hon holl fizians
 A rojomp holl hep resistans;
 Mez hen deomp en deus disket
 Petra oa ann *Impalaerdet*.

Crimé, Rom hag an Italie,
Chin, Cochinchin ha Syrie,
Mexik, ar fleuren euz ann holl,
Sedan, hep compta ar goal goll.
Deg milliard anter dispiniet,
Tri c'hant mil maro, reou vleset;
 Cetu frouez ann Napoleon;
 Pebeus burzud! pebeus eston!

Ma ne oa ket prest hon arme,
 Da biou oa ar faot euz a ze?
 Ne oa ket, vel zo lavaret,
 Dre faot ar republikanet;
 Mez laket e oa ann arc'hant
 Da ober eun taol excellent;
 Da ober brezel ar Mexik,
 Eun asfer kaer ha manifik

Hon mobilet iaouank ive
 Eur miz bep blavez a gleie
 Mont da ober ann exercis,
 Evit hallout deski ar c'his

Euz ann arme en peb doare.
 Mez c'hoant voti a oa neuze,
 Aoun a oa rag facha an holl,
 Ar vot a **IA** c'haje da goll.

Uguent vloa a prosperite!
 A repet he vignonet beude,
 A neus roet Napoleon
 D'ar Fransijen he nation;
 Groet en deus hentchou houarn,
 Enpad ma eo bet o c'houarn,
 Couls goude kent neus bet renet,
 En holl broiou euz ar bed.

Er Beljik, hag en Itali,
 Er Suiss, er Spagn hag er Russi,
 En Bro-Saos hag en Amerik
 Zo hentchou houarn manifik.
 Hag ama, goude oe tapet
 En *Sedan* gant ar Brussianet,
 Ann hentchou houarn neus dalc'het
 D'en em broseri kaer meurbet.

Kement ha kement pa glasker
 Brema zo daou vloa e kever
 Ur profit a dri uguent million
 Dreist comptchou an Napoleon,
 Roet gant ann hentchou houarn,
 A boe ne ma ket o c'houarn;
 Evel-se 'ta, mignonet.
 Ar vapeur ia en dro bepret.

Hou gwin, hon ed hag hon aman,
 A ouerzomp ive mad hep han;
 Aa 'vid ar pez sel hon loened,
 Hep han ive e vent guerzed,
 Bep bloa anter-cant million,
 A gouste deomp Napoleon.
 A guezek daou c'hant anter-caut
 Oa ezomp da zougenn he arc'hant.

Bep bloa ar Fransijen dezan
 A roc eur som evel heman.
 Pa oa deud en Frans da ren,
 C'hoec'h milliard a c'ble n'oa ken;
 Ha pa eo kouezet en Sedan,
 Uguent n'eus lezet da bean.
 Guezet en deus mad Bonapart
 N'eo ket bet manket war he art.

Araog eru Napoleon,
 Eur million a contribution
 A bea bep bla ar Fransijen;
 Hirie daou unan ouспен.
 C'hui pere o c'heus godellou
 Guerniset mad euz a bejou,
 Votet war eur Bonapart
 Ne vanko ket war he art.

Cetu ar pez en deus deomp groet.
Ha darn a c'hoanta lavaret
E zeo darn he gonsellerien,
Ne fiziet ket enne ho croc'hen ;
He holl goueil a choase
Hag ar reman en trabisse ;
Perag ne se gante a du
Enn eil devez euz a guerdu.

Evidomp-ni hon daoulagad
A gle beza digor mad ;
Mar d'eo hen eo hon zromple :
Pellaomp ouzimp he ligne ;
Ha m'ar boa he gonsellerien,
Tec'homp euz ann oll dreitourien :
Bazaine, Rouher ha compaigni,
Ha combatomp mab Eugeni.

Deomp-ni ann Napoleonet,
A gle brema beza disket.
Talvoudgez-peb hini ane,
Bazaine, Sedan : Egalite.
A rei deomp hol da gompren
Eo Napoleonet tromperien,
Ha kement hini souten ane :
Na votomp ket war ar reze.

Deomp. Napoleon kenta,
En Waterloo, pe n'em drompla,
E reas deomp koll ar Beljik,
Ha provinsou all manifik.
Napoleon trede hreman,
Ann Alsas-Lorain, en Sedan,
A neus groet deomp koll ive.
Petra ne rai ket *Pevare?*

A bep tu adare brezel,
Ha ma na gueromp ket divoel,
Hon bro, p'hini eo ar gaera
En touez holl broïou ar bed-ma,
A vezo er fin partajet
Gant Napoleon pevaret.
Petra a erruo? Done oar...
Ho far neus ket war an douar.

Kerjegu, petra eo brema ?
Eun den leal euz ar vro-ma ;
Mez tremenet e n'amzer,
En hon bro, Bretonet ker,
En pehini ann **drapo gwen**
A helfe en surete pourven ;
Evel ne ma ket en hon bro
Aerri pemp war hon c'haïero.

Kerjegu, mezan vo fidel
Da Herri pemp bete mervel ;
Mez daou-uguent vla neus servijet
Dindan drapo tricolorët,
Ha hreman, hervez he lavar,
En keit ma vo war an douar,
Tricolor e vo e zrapo
Hag Herri pemp a zervijo.

Penaos e vezo resevet
Hema gant Herri ar bempvet ;
Herri biken na gouzanto
Chanç eun neuden en he zrapo.
Ann holl drapou all en ludu,
Memeus hini de Kerjegu ;
Pa zeui ama Herri pempvet
A zo zur da veza rentet.

De Kerjegu, pa voelo ze,
No tricolor bet er c'hontre,
A gemero an hini gwen :
Ha gâr deomp neuse Fransijen ;
Sin ar veleien ann noblans
Eo ann drapo gwen en Frans ;
Ann deog hag ar preuveni,
Taost da hema ma ho zi,

De Kerjegu deomp a roïo
Eur lienen vit hon zaolio ;
Mez ar servieden-ze deomp
A beafemp ker deus vo komt.
Ann deog hac ar preuveni,
Brezel zur gant ann Itali :
Ze a roï deomp Herri pempvet
Diouallomp da veza tromplet.

FOUCHER DE CARREIL a zo bet

En hon zouez-ni, Bretonned,
Hag administret gant furnez
Ann departamant euz ho hiez.
He volonte, en hon zouez-ni,
Oa gallout sikour peb hini,
Creski meurbet ar skolajou
Difen skolaerien ar vro,

Re hir ve din lavaret
Ann holl vad neus aman groet,
Hag ar pez a c'hoanta brema
Eo ar gouarnamant furra :
Peoc'h, honesti-, tranquilité
Evit ma halfe hon c'hontre
Sevel euz ar stad eo laket
Gant an Napoleon trivet.

Conservatour eo, emezan,
Ar pez signifi, dre aman,
E viro ar gouarnamant zo,
Ar Republik en hon bro.
Evel se ta, ma mignonet,
Holl evit an den-ma votet
Hen eo ar gwella euz ann tri,
Warnan eo e kleet voti.

Ar Republik, pevar bla zo,
Eo gouarnamant hon bro.
Peoc'h aboe hon deus-ni bed
Hag hon holl draou mad zo ed.
Evel se ta, ma mignonet,
Holl evit ann den ma votet
Hen eo ar gwella euz ann tri:
Warnan eo cleer voti.